



Broj: 02-05-2594/17  
Lukavac, 30.11.2017.godine

Na osnovu člana 70. stav (1), (3) i (6), a u vezi sa članom 64. stav 1. tačka a) i članom 88. Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 02-05-2594/17 od 29.11.2017.godine u konkurentnom postupku javne nabavke kancelarijskog namještaja, Općinski Načelnik d o n o s i

## O D L U K U o izboru najpovoljnijeg ponuđača – LOT 1

### Član 1.

Prihvata se preporuka Komisije za provođenje postupka javne nabavke broj: 02-05-2594/17 od 29.11.2017.godine i Ugovor za nabavku ormara i radnih stolica – LOT 1, dodjeljuje se ponuđaču „**Hafele BH**“ d.o.o. **Miričina**, ponuda broj: 204/KH od 11.11.2017.godine za ponuđenu cijenu u vrijednosti od 6.331,65 KM bez PDV-a, kao najpovoljnijem ponuđaču.

### Član 2.

Izabrani ponuđač dužan je nakon prijema Odluke o izboru dostaviti u roku od 5 (pet) dana originale ili ovjerene kopije dokaza o ispunjavanju uslova iz člana 45. stav (2) tačka d) Zakona o javnim nabavkama BiH, navedene u tački 12.2.d) i orginale ili ovjerene kopije dokaza traženih tačkom 13.2.2.a) Tenderske dokumentacije broj: 02-05-2594/17.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, ugovor za javnu nabavku dodijeliti će se drugorangiranom ponuđaču u skladu sa članom 72. stav (3) Zakona o javnim nabavkama.

### Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 10 (deset) dana, računajući od dana prijema obavještenja o izboru najpovoljnije ponude.

### Član 4.

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-2592/17 od 06.11.2017.godine. Javna nabavka sprovedena je konkurentskim postupkom nabavke. Procjenjena vrijednost javne nabavke bez PDV-a je 7.664,00 KM.

Obavještenje o nabavci broj: 719-7-1-97-3-62/17 objavljeno je na Portalu javnih nabavki dana 08.11.2017.godine.

Komisija za provođenje postupka nabavke imenovana Rješenjem broj: 02-05-2683/17 od 14.11.2017.godine dostavila je ugovornom organu-Općinskom Načelniku Zapisnik o pregledu i ocjeni ponuda – LOT 1, broj: 02-05-2594/17 od 29.11.2017.godine, Preporuku o izboru najpovoljnijeg ponuđača – LOT 1, broj: 02-05-2594/17 od 29.11.2017. godine i Izvještaj o radu broj: 02-05-2594/17 od 29.11.2017.godine.

Strana 1 od 2



ISO 9001:2015  
No. 308550 QM15

Općina Lukavac - Općinski Načelnik, Trg slobode 1, 75300 Lukavac  
[www.lukavac.ba](http://www.lukavac.ba), e-mail: [kabinet-nacelnika@lukavac.ba](mailto:kabinet-nacelnika@lukavac.ba)  
Tel. +387 35 366 700, fax: +387 35 366 703



ISO 9001:2015 No.  
308550 QM15

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene četiri ponude;
- da su blagovremeno primljene četiri ponude;
- da nije bilo neblagovremeno primljenih ponuda;

Ponuda ponuđača DUKA&BOSNA DD Brčko nije kvalifikovana.

Naime, ponuđač DUKA&BOSNA DD Brčko, zastupano po direktoru Senadu Smajloviću, nije dostavio original ili ovjerenu kopiju ovlaštenja za Bijedić Amnu i Banda Almiru, tačnije lica koja su potpisala ponudu.

U odjeljku tenderske dokumentacije pod C) PODACI O PONUDI, tačka 14. Sadržaj ponude i način pripreme ponude, u stavu 11. navedeno je sljedeće: „Ukoliko ponudu potpisuje lice po ovlaštenju ili ovjeru izjava od člana 45-52. Zakona o javnim nabavkama izvrši lice po ovlaštenju ponuđač je dužan u ponudi priložiti ovlaštenje za istog. Ovlaštenje se dostavlja kao original ili ovjerena kopija“.

Takođe, ponuđač DUKA&BOSNA DD Brčko, nije dostavio potvrdu poslovne banke da njegov transakcijski račun nije bio blokiran u zadnjih šest mjeseci računajući od datuma izdavanja potvrde, kako je traženo tačkom 13.2.2.a) tenderske dokumentacije. Umjesto potrebne potvrde dostavio je Izvještaj o računima pravne osobe Centralne Banke Bosne i Hercegovine.

U vezi s naprijed navedenim, Komisija je u skladu sa tačkom 13.2.2.a) i tačkom 14. Tenderske dokumentacije, te članom 68. stav 1. Zakona o javnim nabavkama ponudu odbacila.

Ponude ponuđača „Hafele BH“ d.o.o. Miričina, KRISTAL d.o.o. Živinice i KRANING d.o.o. Puračić su ocijenjene kao prihvatljive, tj. dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijanjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 7.664,00 KM i da je kriterij za dodjelu ugovora ekonomski najpovoljnija ponuda sa podkriterijima: cijena i rok plaćanja.

Ponuđač „Hafele BH“ d.o.o. Miričina dostavio je prihvatljivu ponudu u iznosu od 6.331,65 KM bez PDV-a, sa rokom plaćanja od 60 dana.

Iz navedenih razloga, primjenom člana 64. stav (1) tačka a) Zakona o javnim nabavkama, člana 89., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

#### **Dostaviti:**

1. „Hafele BH“ d.o.o. Miričina
2. KRISTAL d.o.o. Živinice
3. KRANING d.o.o. Puračić
4. DUKA&BOSNA DD Brčko
5. Evidenciji i
6. Arhivi.-

